


佛本行集經

牙六

二百九十六
合六

49711



佛本行集經卷第六

今

隋天竺三藏法師闍那崛多譯

上託兜率品下

尔時兜率天衆之中有一天子名曰金團往
昔已來數曾下到閻浮提地護明知已告金
團言金團天子汝數下至閻浮提中汝應知
彼城邑聚落諸王種族一生菩薩當生何家
金團天子報言尊者我甚知之尊者善聽我
今當說護明言善金團說言此之三千大千
世界有一菩提道場處所在彼閻浮摩伽陀
國境界之內是昔諸王成阿耨多羅三藐三
菩提處尊者護明彼中有河名爲恒河其河



南岸有於一山是舊仙人所居停處然其彼
處名毗闍羅亦名般荼婆毗富羅耆闍崛山
共相圍遶以爲眷屬彼山牢固其色猶如綠
摩尼寶中有聚落名曰山饒去山不遠有一
大城名爲王舍其城往昔有一王仙名優荼
波梨種姓以來常爲王治妃是善見大王之
族爲大夫人其子爲王名婆奚迦今現治在
摩伽陀國繼彼優荼王仙之後尊者護明往
生閻浮堪爲彼王作於長子護明菩薩報金
團言雖有此理但彼王種父母不淨其城處
邊地勢埏阜高下不平純是溝坑土沙礫石
荆棘諸草少有泉池諸河流木苑園華

菓園林是故汝今可更別觀餘刹利種金團
天子復作是言尊者護明彼迦尸國波羅捺
城善光王仙有子名爲善丈夫王彼王堪爲
尊者作父護明菩薩報金團言此理雖然但
迦尸國善丈夫王有四種法染著邪見是故
汝今可更別觀其餘王種堪我生處金團天
子復作是言尊者護明憍薩羅國舍婆提城
彼城有王名歧居移羅耶是憍薩羅大國之
主其身巨力多有人民尊者堪爲彼王作子
護明菩薩報金團言此理雖然但彼國主憍
薩羅王是摩登伽苗蒙種類父母不淨雜穢
而生兼上世來非是王種小心下賤意氣不

高又其家中資財薄少雖有七寶金銀瑠璃
瑪瑙真珠不能具足是故汝今別更爲我觀
諸利利堪我生處

金團天子復作是言尊者護明彼跋蹉國拘
睽弥城王名千勝其王有子名爲百勝彼王
多有象馬七珍四兵具足尊者堪爲彼王作
子護明菩薩報金團言此理雖然但跋蹉王
母不賢良從他丈夫生於是子非正王種然
其彼王亦長宣說斷見之事是故汝更觀餘
利利我何處生

金團天子復作是言此金剛國有一城邑名
毗耶離穀米豐饒無有飢饉人民安樂國土

症嚴譬如天宮一種無異彼城國王樹王之
子種姓清淨無可譏嫌彼國王宮庫藏之內
多有金銀珍寶等物一切具足無所乏少尊
者堪爲彼王作子護明菩薩報金團言此理
實然毗耶離主上世已來真是王種但彼國
人心性剛強各各自用稱我是王憍慢熾盛
放逸自高不共其餘異類相雜又無尊卑大
小禮節自言我解自言我知雖復有王不肯
承事云自法是不從他求是故汝今更觀餘
處刹利王種我生何處

金團天子復作是言尊者護明彼摩波槃提
國有優闍耶那城明燈王子名爲滿足居住

彼城其王身體大有威力多諸左右能破一切敵國怨家尊者堪爲彼王作子護明菩薩報金團言此理雖然但彼國王無有一法可軌之行嚴酷暴惡不信因果是故汝今可更別觀餘王種姓任我生處

金團天子復作是言尊者護明彼閻浮提摩頭羅城有一大王名曰善臂其子稱爲自在健將尊者堪爲彼王作子護明菩薩報金團言此理雖然但彼國王邪見家生以如是故一生補處菩薩大士不得生彼邪見之家是故汝今可更別觀餘王種姓我何處生

金團天子復作是言尊者護明此白象城般

細王種勇健威猛可喜端止世無有雙能破
強隣一切怨敵尊者堪為彼王作子護明菩
薩報金團言此理雖然但般細王種姓清淨
為彼雜類之所擾亂何以故彼王長子名踰
地師締羅是於梵天法王之子第二名為毗
摩斯那風神王子第三名為頰純那者是帝
釋子復有二子別母而生一名那拘羅二名
娑訶提婆此二子者是星宿天阿輸那子是
故汝今可更別觀餘王種姓我何處生

金團天子復作是言尊者護明彼閻浮提寐

反亡私 洩

反他梨

羅城寐洩羅種王名善友多饒

聚馬車乘牛羊一切資生悉皆具足無量眾

寶庫藏豐盈金銀真珠未嘗乏少彼王善友
常樂懃修法行之事尊者堪爲彼王作子護
明菩薩報金團言此理實然其善友王雖有
如是具足之法但彼國王年老衰邁更不復
能營理國務又其王今多饒諸子是故汝今
可更別觀餘王種類我何處生

金團天子復作是言此等並是中國之王復
更別有邊地之國邪見諸王毗細海洲有一
國主婆羅門種治化在於毗細之上名月支
王父母種姓清淨具足兼解祭祀諸天之法
四毗陀論皆悉了知尊者堪爲彼王作子護
明菩薩報金團言此理雖然但我下生出家

成道要須刹刹不欲生彼婆羅門家是故汝
今唯覓刹刹我生何處

金團天子復作是言我於閻浮一切諸國處
處聚落處處諸王處處林舍處處城色處處
刹刹各住諸城而是刹刹造種種業我為尊
者經歷已來生於無量疲極苦惱心迷意亂
更不復能觀看餘處設復觀察口亦不能如
是宣說護明菩薩報金團言實如汝語然汝
要須為我選覓一刹刹清淨之家堪我生處
金團天子復作是言我為尊者苦惱愁憂處
處觀察忽然忘失一刹刹家護明菩薩問金
團言其名云何金團白言有一刹刹元本以

來從於大衆平量安立世世轉輪聖王之種
乃至甘蔗苗囊已來子孫相承在彼迦毗羅
婆蘇都釋種所生其王名爲師子頰王其子
名爲輸頭檀王一切世間天人之中有大名
稱尊者堪爲彼王作子護明菩薩報金團言
善哉善哉金團天子汝善觀察諸王家種我
亦念在於此家生我今深心如汝所說金團
當知我定往生彼家作子金團往昔一生補
處菩薩所託家者有六十種功德具足滿於
彼家何等六十彼家本來清淨好種一切
諸聖恒觀彼家二彼家不行一切惡事三彼
家所生悉皆清淨四彼家種姓真正無雜五

彼家體胤嫡嫡相承無有斷絕六彼家昔來
不斷王種七彼家所生一切諸王皆是往昔
深種善根八生彼家者常為諸聖之所讚嘆
九彼家生者具大威德十彼家多有端正婦
女十一彼家多有智慧男兒十二彼家所生心性
調順十三彼家所生無有戲調十四彼家生者無
所可畏十五彼家生者不曾怯弱十六彼家生者
聰明多智十七彼家生者多解工巧十八彼家生
者皆畏過罪十九彼家所生不與世間工巧雜
合亦不貪財以為活命二十彼家所生常存朋
友二十一彼家所生不以殺害諸虫諸獸以自
活命二十二彼家種姓恒知恩義二十三彼家種

族能修苦行四二十彼家所生不隨他轉五二十

彼家所生不曾懷恨六二十彼家所生不結癡

心七二十彼家生者不以怖畏隨順於他八二十

彼家生者畏殺害他九二十彼家生者無有罪

患十三十彼家生者乞食得多十一三十至彼家者無

空發遣十二二十彼家剛強難可降伏十三三十彼家

法則恒出禮律十四三十彼家常樂布施衆生十五三十

五彼家建立因果勲十六三十彼家所生世間

勇健十七三十彼家恒常供養一切諸仙諸聖十八三十

八彼家恒常供養神靈十九三十彼家恒常供養

諸天二十四十彼家恒常供養丈夫二十一四十彼家歷世

無有怨讎二十二四十彼家名聲威振十方二十三四十彼

家一切諸家為最四十四彼家生者上世已來

悉是聖種五十四彼家生者於聖種中最為第

一六十四彼家生者恒是轉輪聖王之種七十四

彼家生者是大威德久之種八十四彼家生

者多有無量眷屬圍遶九十四彼家生者所有

眷屬不可破壞十五彼家生者所有眷屬勝一

切人一五十彼家生者悉孝養母二五十彼家生

者皆孝順父三五十彼家生者悉皆供養一切

沙門四五十彼家生者悉皆供養諸婆羅門十五

五彼家生者豐饒五穀倉庫盈溢六五十彼家

生者多有金銀碑磔瑪瑙一切資財無所乏

少七五十彼家生者多畜奴婢象馬牛羊一切

具足

八五

十彼家生者不曾事他

九五

十彼家生

者如是一切眾事具足於世間中無所乏少

十六金團天子凡是一生補處菩薩處於母胎

彼母若有三十二種相具足者乃能堪受菩

薩在胎何等名為三十二事一彼母人正德

而生二彼母人支體具足三彼母人德行無

缺四彼母人所生得處五彼母人為行庶幾

六彼母人種類清淨七彼母人端正無比八

彼母人名字德稱九彼母人身體形容上下

相稱十彼母人未曾產生十一彼母有大功

德十二彼母恒念樂事十三彼母心常隨順

一切善事十四彼母無有邪心十五彼母身

口及心自然調伏十六彼母心無所畏十七
彼母多聞摠持十八彼母極女工巧十九彼
母心無諂曲二十彼母心無誑詐二十一者
彼母人心無有瞋恚二十二者彼母人心無
有嫉妬二十三者彼母人心無有慳吝二十
四者彼母人心無有急速二十五者彼母人
心難可迴轉二十六者彼母人體有至德相
二十七者彼母人心能懷忍辱二十八者彼
母人心有慙有愧二十九者彼母人行薄婬
怒癡三十者彼母人行無女家過三十一者
彼母人行孝順向夫三十二者彼母出生一
切諸德一切諸行皆悉具足如是母人乃能

堪受一生補處。後身菩薩。菩薩欲入母胎之時。取鬼宿日。然後乃入於母胎中。其受一生補處菩薩胎母已前。其母必須受八關齋。然後菩薩入於彼胎。

護明菩薩復作是言。我今受有不爲世間一切錢財五慾快樂。故下人間受此一生。惟欲安樂諸衆生。故哀愍苦惱諸衆生。故。

尔時衆中有一天女。告於其餘一天女。言我等大家護明菩薩。必下人間。我等此宮遠離。護明菩薩大士云。何令我心樂此處。第二天女即報之。言奈何奈何。我等今者共作何事。令於我等得往人間。善觀彼家護明菩薩所。

生之處第三復有一天女言願我等今捨此
天壽令我等往彼處受生何以故我等亦願
至於彼處共我護明菩薩同生第四復有一
天女言汝等相與莫生悔心何以故我等大
家護明菩薩尚捨天壽生於人間況復我等
更復有一天女稱言尊者護明今者下生於
閻浮提唯願大士莫忘我等時護明菩薩告
於彼等諸天女言汝等莫大生於苦惱我前
已爲汝等說於一切有處皆悉無常如芭蕉
莖無有堅實如借物用必須還他非我已
有猶如陽炎幻化水泡一切有處皆是誑惑愚
癡之人謂言常住

時彼衆中有一天子悵快心愁口復唱言觀
此菩薩所說生處無常不真咄哉我等何假
須樂於此生處我等今見護明菩薩如是功
德具足之體生兜率天此兜率宮如是福聚
如是端正如是微妙如是莊嚴護明菩薩捨
離下生咄哉我等云何獨在此無常境

尔時復有第二天子答彼第一初天子言善
哉天子如是如是如汝所說而作偈言

我此護明大菩薩

往昔在於諸有中

常捨極所愛婦兒

奴僕象馬財珍寶

或復割截身骨肉

頭目髓腦五皮膚

如是求索悉不違

或百或千皆施與

尔時眾中復有天子而說偈言

咄哉我等身 在此天宮生 常恐今當墮

人怖死亦然 何有生法中 福業不盡者

諸是無常界 眾生悉命終

護明菩薩告諸天言汝等天人須知一切世

間別離生死為本汝等為我莫苦憂愁何以

故我往昔來不造凡業今欲令我久住世間

終不可得我於過去佛法僧邊種諸善業常

發道心乞求大願今得善報當成菩提汝應

歡喜何得苦惱時彼諸天聞是語已各相謂

言汝等諸天孰視護明菩薩大士而此護明

菩薩大士今者不久下於人間口復唱言尊

者護明尊者不久生於人間此兜率宮所有
威德及諸天福尊悉將去尊受人間末後有
身我等諸天云何奉事護明菩薩告彼一切
諸天衆言我前所生五種衰相汝等復說無
常因緣如是法門汝等常須繫念在心勿令
忘失我今此處下生人間當得阿耨多羅三
藐三菩提轉於無上最妙法輪汝等諸天子
各願下人間受身生彼處已汝等當得解脫
一切諸煩惱苦

尔時護明菩薩觀生家已時兜率陀有一天
宮名曰高幢縱廣正等六十由旬菩薩時時
上彼宮中爲兜率天說於法要是時菩薩上

於彼宮安坐訖已告於兜率諸天子言汝等
諸天應來聚集我身不久下於人間我今欲
說一法明門名入諸法相方便門留教化汝
最後汝等憶念我故汝等若聞此法門者應
生歡喜時兜率陀諸天大衆聞於菩薩如此
語已及天王女一切眷屬皆來聚集上於彼
宮護明菩薩見彼天衆聚會畢已欲爲說法
即時更化作一天宮在彼高幢本天宮上高
大廣闊覆四天下可喜微妙端正少雙威德
巍巍衆寶莊飾一切慾界天宮殿中無匹喻
者色界諸天見彼化殿於自宮殿生如是心
如塚墓想時護明菩薩已於過去行於實行

種諸善根成就福聚功德具足所成在嚴師
子高座昇上而坐護明菩薩在彼師子高座
之上無量諸寶在嚴間錯無量無邊種種名
衣而敷彼座種種妙香以薰彼座無量無邊
寶爐燒香出於種種微妙香花散其地上高
座周匝有諸珍寶百千萬億在嚴放光顯耀
彼宮彼宮上下寶網羅覆於彼羅網多懸金
鈴彼諸金鈴出聲微妙彼大寶宮復出無量
種種光明彼寶宮殿千万幡蓋種種妙色映
覆於上彼大宮殿垂諸流蘇無量無邊百千
万億諸天王女各持種種七寶音聲作樂讚
歎說於菩薩往昔無量無邊功德護世四王

百千萬億在於左右守護彼宮千萬帝釋禮
拜彼宮千萬梵天恭敬彼宮又諸菩薩百千
萬億那由他衆護持彼宮十方諸佛有於萬
億那由他衆護念彼宮百千萬億那由他劫
所修行諸波羅蜜福報成就因緣具足日夜
增長無量功德悉皆莊嚴如是如是難說難
說彼大微妙師子高座菩薩坐上告於一切
諸天衆言汝等諸天今此一百八法明明一
生補處菩薩大士兜率宮欲下託生於人間
者於天衆前要須宣暢說此一百八法明明
留與諸天以作憶念然後下生汝等諸天今
可志心諦聽諦受我今說之一百八法明明

者何

正信是法明門不破堅牢心故

淨心是法明門無濁穢故

歡喜是法明門安隱心故

愛樂是法明門令心清淨故

身行正行是法明門三業淨故

口行淨行是法明門斷四惡故

意行淨行是法明門斷三毒故

念佛是法明門觀佛清淨故

念法是法明門觀法清淨故

念僧是法明門得道堅牢故

念施是法明門不望果報故

念戒是法明門一切願具足故
念天是法明門發廣大心故

慈是法明門一切生處善根攝勝故

悲是法明門不殺害衆生故

喜是法明門捨一切不喜事故

捨是法明門厭離五慾故

無常觀是法明門觀三界慾故

苦觀是法明門斷一切願故

無我觀是法明門不染著我故

寂定觀是法明門不擾亂心意故

慙愧是法明門內心寂定故

羞耻是法明門外惡滅故

實是法明門不誑天人故
真是法明門不誑自身故

法行是法明門隨順法行故
三歸是法明門淨三惡道故
知恩是法明門不捨善根故
報恩是法明門不欺負他故
不自欺是法明門不自譽故
爲衆生是法明門不毀訾他故
爲法是法明門如法而行故
知時是法明門不輕言說故
攝我慢是法明門智慧滿足故
不生惡心是法明門自護護他故

無障礙是法明門心無疑惑故
信解是法明門決了第一義故
不淨觀是法明門捨慾染心故
不諍鬪是法明門斷瞋訟故
不癡是法明門斷殺生故
樂法義是法明門求法義故
愛法明是法明門得法明故
求多聞是法明門正觀法相故
正方便是法明門真正行故
知名色是法明門除諸障礙故
除因見是法明門得解脫故
無怨親心是法明門於怨親中生平等故

除方便是法明門知諸苦故

諸大平等是法明門斷於一切和合法故
諸入是法明門修正道故

無生忍是法明門證滅諦故

身念處是法明門諸法寂靜故

受念處是法明門斷一切諸受故

心念處是法明門觀心如幻化故

法念處是法明門智慧無翳故

四正勤是法明門斷一切惡成諸善故

四如意足是法明門身心輕故

信根是法明門不隨他語故

精進根是法明門善得諸智故

念根是法明門善作諸業故

定根是法明門心清淨故

慧根是法明門現見諸法故

信力是法明門過諸魔力故

精進力是法明門不退轉故

念力是法明門不共他故

定力是法明門斷一切念故

慧力是法明門離二邊故

念覺分是法明門如諸法智故

擇法覺分是法明門照明一切諸法故

精進覺分是法明門善知覺故

喜覺分是法明門得諸定故

除覺分是法明門所作已辦故

定覺分是法明門知一切法平等故

捨覺分是法明門厭離一切法故

正見是法明門得漏盡聖道故

正分別是法明門斷一切分別無分別故

正語是法明門一切名字音聲語言知如響故

正業是法明門無業無報故

正命是法明門除滅一切惡道故

正行是法明門至彼岸故

正念是法明門不思念一切法故

正定是法明門得無散亂三昧故

菩提心是法明門不斷三寶故

依倚是法明門不樂小乘故

正信是法明門得最勝佛法故

增進是法明門成就一切諸善根法故

檀度是法明門念念成就相好莊嚴佛土教

化慳貪諸衆生故

戒度是法明門遠離惡道諸難教化破戒諸

衆生故

忍度是法明門捨一切瞋恚我慢諂曲調戲

教化如是諸惡衆生故

精進度是法明門悉得一切諸善法教化懈

怠諸衆生故

禪度是法明門成就一切禪定及諸神通教

化散亂諸衆生故

智度是法明門斷無明黑暗及著諸見教化
愚癡諸衆生故

方便是法明門隨衆生所見威儀而示現教
化成就一切諸佛法故

四攝法是法明門攝受一切衆生得菩提已
施一切衆生法故

教化衆生是法明門自不受樂不疲勸故

攝受正法是法明門斷一切衆生諸煩惱故
福聚是法明門利益一切諸衆生故

修禪是法明門滿足十力故

寂定是法明門成就如來三昧具足故

慧見是法明門智慧成就滿足故

入無礙辯是法明門得法眼成就故

入一切行是法明門得佛眼成就故

成就陀羅尼是法明門聞一切諸佛法能受

持故

得無礙辯是法明門令一切衆生皆歡喜故

順念是法明門順一切諸佛法故

得無生法忍是法明門得受記故

不退轉地是法明門具足往昔諸佛法故

從一地至一地智是法明門灌頂成就一切

智故

灌頂地是法明門從生出家乃至得成阿耨

多羅三藐三菩提故

尔時護明菩薩說是語已告彼一切諸天衆
言諸天當知此是一百八法明門留與諸天
汝等受持心常憶念勿令忘失

佛本行集經卷第六

令

皷阜

上丁反

歧

居移反

跋

蹉

下七何

拘睽

下武深反

翳

一計反

軌

俱反

水

嚴酷

下篤

苦

絺

羅

上丑

頰

烏葛反

胤

羊進反

嫡

音的

戲調

下徒

勤

劬

下音

些

些

音紫

匹

音紫

同

泡

音拋

悵

快

上丑

向

反

咄

丁骨

反

皮膚

夫

音匹

匹

喻

上匹

非

於

向

反

反

反

反

反

反

反

反

反

